

更生齋詩續集卷二

陽湖洪亮吉著

天台石梁集

乙丑元旦

日月堂堂去絕蹤丙寅明歲又將逢
偷生久愧吳都尉
祈死曾煩晉祝宗
尙以詩書綿世澤
早安耕鑿共村農
衰年默數童時侶
誰復迎門與過從

詠懷詩

我昔有奇稟十年居玉京
舉足踏列星俯身瞰雷霆
一謫人世間臥苦不得醒
時時亦仰視但覺天宇青
前身與後身昭昭易冥冥

一日昇昏曉一氣變寒燠朝霞昇復鮮春草冬復綠嗟
哉志士心炳若長夜燭成童逮衰老所履益諳篤縱違
時所尙曾未改初服翼以徑寸心轉此日月轂
我居衡門中一世入襄抱光明縱無多志欲徹昏曉繁
星布天闕大者僅參昴浮雲與之俱夜氣復繚繞一綫
殘月光居然燭天表

古人不可作留此一卷書我思見古人掩卷時踟躕古
人豈好名夙抱藉以抒言言炳神明詎比蕘與芻古人
得其精我慙得其麤願從積軸中淘彼徑寸珠

一世相識希進願求一室一室意見殊寸衷誰可悉居
閒思賈郭古反有儔匹螻蟻中臂勇虻蚋用心一不恨

生世遲所悲前哲歎

嚴霜一以下響已輟百蟲怒雷一以奔萬族何洶洶足
知天地心藉以警聵聵敬畏理不殊至人等童蒙繁音
願悉收震之以黃鐘枯條願悉芟潤之以谷風

雷同所不敢亦性所不能性匪與世殊願受流輩憎遂
令十室中獨處無一朋鬢鬢復鬢鬢古或有所承何心
學嵇康所願師孫登

今人何太浮古人何太靚授以一卷書今人讀難竟以
之膺世事心志苦不定我雖慙往哲六籍等性命願假
一歲閒羣書讀當罄

新正十日探梅鄧尉適姜尙書晨展墓費家湖側因便

道過訪并率呈一篇

尚書余庚戌讀卷師也

臘月欲盡探古梅南枝北枝仍未開甯知俯仰祇半月
十里香氣衝人來猶留千樹未全放似待孤客先裴徊
訪梅兼訪梅間客宦蹟迢迢屢南北不特先生鬢久霜
傳經弟子頭俱白尚書履聲何處尋遠復散步來湖濱
十年裏抱欲傾剖相與淺坐梅花陰陰陽迅轉同車轂
憂國精神幸如昨西北欣看掃賊氛東南藉可安耕鑿
憶昔使節黔中還尚書撫偏沅時余視學貴州任滿相見于辰州烽火正照辰
龍關當時三客坐譚處一客先已埋花間時紅苗滋事尚書與舉官
保並駐節辰州辦理糧餉越歲官保卽謝世今墓在靈巖山麓距此咫尺
世間萬事誰能料
灑淚茫茫濕斜照破冢曾無大鳥棲荒祠剩有青蠅弔

愈惜勞勞世上人忙拋歲月病拋春

本約吳封君端彝莊徵君宇遠並遊

二君以病及事冗不至

惟餘憔悴投荒叟尙乞花前自在身

偶成

歲月堂堂去若何谷風驚又被巖阿半春夢比繁星密
一世人如磨蟻多偶逐右曹趨日觀未從博望泛天河
雲臺宋莫無名姓事過同慙馬伏波

元宵夜風雨甚驟

臨街樓閣懶重登驟暖先將濕氣蒸
一夜雨聲如裂帛
不曾知有上元燈

廿二夜茅橋道中

及此荒寒境更闌月在樓人林人影淡搖夢檣聲柔暗

好真無著辛鹹任所投長年知世事絮語不曾休

舟行卽事

經旬憑酒暖此夕忽竒寒諫果誰堆枕仁蘋訝滿盤得
閒繙歲歷小極罷晨餐望盡青山外沈沈天宇寬

早從烏溪口出太湖

炊煙紅不起雲白膩空山只有漁樵侶閒蹤自在還
自宜興渡湖至長興邀同年邢大令澍放舟至龍華寺
訪巨超方丈率成一首

十六年前同虎榜五千里外會龍華吾師更駐焦山錫
約客閒烹顧渚茶老衲座旁參笠屐宰官身裏現袈裟
此來何止談空好半里香浮萬樹花

錢氏梅花莊

四條長四里夾路盡疏香
合作梅花街時橫古石梁
帽簷隨樹亞鼻觀嗅花忙
百步山莊外琅玕影亦長

卞山正中亭

十里卞山松危亭卻正中
亂泉穿徑碧初日鬪花紅
世外峰奇峭雲邊路暗通
梅梁過方好殿角隱瓊灌

贈巨超方丈

曾訪靄威穿地肺欲尋仙
侶到天台安心師已參三昧
行脚吾應號萬回百折泉從
杯底合五峰山向坐中開
林禽笑我閒如此一歲真看
一度來

青藤書屋歌先寄陳秀才鴻熙

波生波滅無已時百劫我復遊天池池中鷗鷺池邊客
池上青藤高百尺青藤居士天池生詩人名號亦屢更
百餘年來三易主惹得青藤榦逾古我攜赤藤遊赤城
眼底頗欲無青藤雖然青藤歲月亦已增尙復天矯屈
曲如龍升我繙青藤詩坐向天池口世間怪事無不有
卻笑年前板橋叟董龍甘自稱雞狗更作史遷牛馬走
揚州鄭大令雙酷喜青藤詩鐫一印章曰青藤門下走狗愛憎之口何太懸我欲一
一離言詮君不見君詩幽隱無不寄白日鬼嘯來重泉
鯨魚出沒蛟蜃纏恂况絕似重洋船奇光縱遜日與月
磊磊落落同星躔身前既感梅林胡身後復有中耶袁
處山之論最不然欲屈一代中松圓平心我論處士集

獨此可與眇目山人傳
劈縑寫君詩
闢堂展君像
君與青藤總無恙
厯落欽奇不平狀
我今游跡無定鄉
元方交後交季方
君介兄景初與余相識
感君兄弟苦留客
白日爲我傾干觴
天池旁邊覆觴起
欲往天台白雲裏
天台白雲上接天
興發我欲吟千篇

昇平四章

昇平一百載
衆庶多于蝨
山侵豺虎居
水奪蛟龍窟
蛟龍猶有海
豺虎何所逸
御之不以理
勢必轉奔突
強梁或逃竄
老弱遭噬嚙
不知六合內
禦物固有術
欲人安厥居
先使獸有穴
物物安其天
人禽庶堪別

昇平一百載
胥吏多于民
小縣至數百
大縣逾千人
此

曹何所長攢弊及侮文豪強尙相亢樸鄙寃莫申揣彼
瘠與肥破家或亡身長官有遷移吏則長子孫嗟嗟肺
石旁人鬼皆含寃我願仁者心除惡務去根庶幾獄訟
衰風俗或可淳

昇平一百載墳壟多于田至今城郭旁漸少陌與阡百
載已如此何能暨千年況復富貴人風水說愈堅一壟
占十畝壟百畝已千膏腴日以荒廬舍日以遷遂令闌
闌中白晝飛紙錢不見高高峰白楊欲參天

昇平一百載僧釋多于農經繙四十章至比六籍崇人
傳大叢林富必千萬鍾十農養一釋食力苦不供游食
尙細事其徒況洵洵凡茲名勝區咸化梵釋宮一衣必

募緣一食必擊鐘有法限制之患庶不養癰

西湖殘夜自斷橋行至孤山麓偶成

缺月將殘夜行人過斷橋斷橋橋下水嗚咽響如簫舊
夢醒仍憶孤山望轉遙梅花留數樹相伴客無聊
五柳居食魚

卅年前夢太怔忡又向湖頭卸短篷金色鯉魚烹一尾
上樓間看北高峰

孤山處士今何在湖上仙禽去不回只我亦疑華表鶴
昆侖山頂忽飛來

德生葺喜晤華大令

廿載湖頭住眞成不繫槎雙峯化人宅獨樹老夫家眼

倦觀時局心空閱歲華林逋居咫尺聊共種梅花

將往天台淨慈方丈際祥畫山水長幅見贈率成長句

報之

天龍忽入枯僧腕五岳外山皆可轉仍嫌山色指未盡
一朶峯皆一雲浣筆頭至竟生氣多峯背一一生煙蘿
風聲雨聲有時歇石竅盡現莓苔窠一峯松濤一峯瀑
飛瀑卻從松頂落我疑天台石梁卽在飛瀑東策杖竟
欲排虛空左攜支公右遠公謂小顛破
迷二僧頓覺雲霧出沒
日月倒景于其中早潮初平莫潮長缺處真堪挂帆往
君不見沉思此景殊恂悅畫裏南屏晚鐘響
壑菴訪破迷僧不值

我從西海歸東海頓覺前身易後身山鳥尙迎初度客
維摩應亦再來人八年舊跡畱空館十里疏梅颺早春
久坐蒲團久緝偈待師同證靜中因

萬峰寺訪小顛僧畱贈一首

夢落天台瀑布前欲從雲外謁飛仙再來剛是春三五
回途擬仍至湖上小劫曾經路萬千東海萍浮應笑我西湖僧

好總名顛法華堂外談空處添得疏楊百樹煙

時巡撫阮君元

于西湖添種新柳

渡錢唐江抵西興

卅年三問西興渡太息吾形已非故西興津樹尙迎人
百轉千回飛白鷺錢唐樹色初模糊回頭復憶西子湖

東坡全集卷之十一
十一
早潮初落爨煙起挺此九級高浮屠風光絕似清明節
正月可憐纔晦日十里疏楊裊綠煙濛濛已有鶯聲出
錢清江水何回縈我心卻比江水清一江初過一江迂
風急已度高遷亭車車油碧船船畫四面橋如采虹跨
明朝爛醉詞客家別挂輕帆抵蒿壩

抵紹興日借陳景初運判鴻達鴻磐兩茂才歷游省園
徐園平園率賦一首

頰尾櫻桃翠羽禽危亭都見百花心誰憐越國春光暖
轉惜衰翁鬢雪侵塵世劫完容小住故人身後甫幽尋
惟省園主人不識平園則少宰怨家墅徐園又編修立
網所構皆同館也並會約遊未果今始到此兩先生已
皆歸道
山矣
曲屏風外香爐阜閱盡勞蹤自古今

口尺復泛鑑湖至快閣訪謝太守肇洙畱贈

名園歷盡已斜陽乘興還登綠野堂草木總含滄古意
蘇杭無此好春光天隨合放煙波艇賀老仍畱風月場
四百里湖存數頃欲從何處悟滄桑

王生行爲王明經衍梅賦

不可有兩庶有一笑聲初停哭聲出哭聲纔落南湖左
素望山頭鵲聲墮胷中本有萬斛才百斛淚始隨聲來
淚不若蛟人海上之明珠亦不作聲伯涓水之瓊瑰有
時班班駁駁色不定艷處絕似珊瑚堆願勿灑原野恐
此林木摧願勿灑亭館恐此春草萎我心爲之一根觸
我手不能與之掬唐衢死後一千一百年只有茫茫此

塲哭

陳徵君榮杰抱膝長吟圖讚

青天無雲大海無波惟此直木不生磊砢惟此峻嶺不
垂煙蘿早稱鴻儒晚膺制科長吟抱膝所思如何日耀
列宿口懸天河我展君圖我爲作歌

二月二日曹娥江舟次

孝女廟前路社公生日天遠遊真可戒斷夢已多年

丙申

歲遊至此旋即
奉太宜人訃犬入鸕鷀隊牛耕蚌蛤田半程風日好
開牖卷書眠

品石行贈袁茂才鼎

袁生五岳填胷滿袖底纍纍石如卵嗜之成癖誰可及

一日一回江水澣友思攫之怫然怒爲石居然砌成庫
有時出貯衆座中左右高低若星布石橫作嶺矗作峰
所喜石石無雷同世人愛玉君愛石石不能言戴君德
他時海水倘復乾圓嶠方壺漂入宅

偶成

黃金不惜張車子采筆無煩謝客兒攜得杖頭錢數百
石梁南畔去吟詩

青藤書屋卽事贈陳鴻遠鴻熙鴻磐三秀才

春花淡紫秋花青藤抽一枝花一莖花青難得紫易得
異種欲乞天池生青藤上屋何凌亂似爲幽人挺奇幹
名香一瓣酒半瓢薄暝欲把詩珠招

刻溪舟中

四山中間一山出雲匪山獨高惟其不羣白雲之中乃
有樵屋初陽入門曝此背腹

將至嵯縣作

四邊山作嵯三折水名之更鼓沿江棹仍思訪戴時石
奇餘斧鑿屋古半茅茨破曉南風急城門到已遲

欲抵新昌先柬應學博澧一首

八年前記過虹橋半世交期話竟宵君已滿盤堆苜蓿
我驚絕塞啖蒲桃江波未似詩懷澈山木都同鬢影凋
老尙欲攜雙蠟展約公南訪赤城標
自嵯縣乘山輿行甚駛偶賦

到岸山興好真同行客察捷能逾蹇乘寬足抵團蕉半
世臯比座前塵星使輅老夫雙繭足曾走萬程遙

山陰道上

山陰道上驚多于天半雁恨不習俗書籠之返陽羨
川程久睽違水田形亦改只有赤城雲迎人先鬥采

斑竹嶺

踏青時唱艷陽歌四面山窗合女蘿誰信一條斑竹嶺
桃花還比美人多

卅年前路夢中諧月午曾停使者驂畱得紙窗棋數著

分明殘局付羊曇

丙申秋隨學使者至此學
使與坐客對局至曉故云

初四日入天台宿清涼寺

坤輿何傾欹天路殊肅穆積此萬仞高纔成一山麓山
形經數折水勢乃逾曲樵蘇蹤已斷紫翠始重複屏山
南到海倏爾回地軸龍魚氣熏烝螭魅勢懾伏靈奇旣
頻到虺蟒迹難託娛幽富芝朮拒俗挺松竹藏經樓上
望雲日炫心目薄暝客漸稀鐘聲盪空綠

清涼寺方丈際雲以萬年藤杖見贈書此報謝

人言天台藤萬年挂者卽可成飛仙上人舉贈有深意
齒髮憐我當衰年我氣可食牛我行及飛鳥幽尋更假
藤一枝幾欲攜之出天表勞人歲月亦可憐茫躋曾歷
昆侖巔此藤與屨庶足配歸日緘置茅堂前刻鳩作首
末鐵裹節目離奇枝磊砢閒時偶舉一指空白晝星辰

杖頭墮自顛至末十三節缺處猶纏怒蛟血藤生定屬
羲葛前隸首大槁忘歲月庶幾渾沌蝙蝠精或者與杖
同時生我攜入華頂我攜向赤城山神見之拱手避轉
或疑我真仙靈潤以中峯雲洗以太古雪古意寥寥節
中出他時我欲覲玉皇擲杖便已成飛梁黃人捧日不
敢過叱馭乃欲歸扶桑上人贈我何以報倚杖作歌成
古調君不見千言挂壁殊兀冪一字真堪一星照山鬼
潛逃谷龍嘯

過騰空嶺

萬綠影濛濛千峰倚短筇身輕捷于鳥應讓李騰空
過萬年嶺

隔溪聞打午時鍾萬箇簷管萬尺松我向此庵難久駐
心懸六十五茅蓬時將從方廣寺上華頂

天台石梁歌

一山飛一泉泉外皆桃花仙人不畱我飯恐無胡麻天
台之藤高八尺攜向真源問消息偶然飛雨撲面來猶
帶桃花好顏色颺颺偷眼心已驚直下萬仞終難停誰
于山水絕奇處別闢一厓名捨生土人每至石梁捨生自去歲至此已四人

君不見再生我荷格外恩身外久已無餘身更憑
何物作施捨涉險轉欲恬心魂眼中飛瀑從天墮忽覺
蒼龍跨中過心狂故惹世眼驚卻向橋心腳顛簸欲前
不前疑駭鷹欲落不落同崩雲石梁盡處轉危坐足底

雷鼓何殷殷山僧約聖下方廣我戀桃花不能往歸來
一枕松竹香萬古泉從夢中響

續天台石梁歌

一石疊一石腹背莓苔青惛然獨角龍太古臥未醒洞
邊香氣何濛冥洞裏五百仙人庭時有五色鳥來往傳
仙靈石梁南頭卽仙島無數瑤花及其草琴聲琮琤水
聲繞只有古今無暮曉我疑中天宮闕難久居故向石
下營精廬珠簾一兩重葢此臺殿虛清冷之淵樂有餘
白石已有羣靈趨低頭我訝蟄澗龍豈知仙人仰此若
采虹橋心我不敢狂笑遊戲恐墮仙人宮仙人宮聽此
夾岸雞犬如雲中我笑昌黎生蒼龍嶺頭多哭聲我笑

玉局叟仙遊潭邊不向前走庶惟長庚星能經赤城橋我
亦百步來迢迢欲爲石梁歌久向藍橋坐狂甚思敲石
門被仙人應復煮胡麻畱我高齋作清課

方廣寺夜宿

十折五折泉千聲百聲磬瓌瓏喧水樂轉使靜中聽茲
來方廣寺列屋若居阱人疲爭欲憩僧古先入定屏山
亘方壺澄波展圓鏡升峰虞相翳看水怕波暝三更驚
非常紅霞半空迸天風送濤響此已隔人境銅壺殘漏
滴于此悟心性清遊何能遲闕牖覘斗柄

茅蓬贈詩僧如鵬

天台千百僧一僧號能詩獨向華頂居隨緣結茅茨緇

流白眼俗子嗤兀鼻只有天公知屋頭吹松濤屋外微
竹軒三更不眠待海日放筆卽已吟連篇我交一世少
素識世外遇君何可得下土方浮出竅聲大鵬已鼓垂
天翼

送借月僧回清涼寺

本約同至華頂以雨不果

朱顏紺髮碧雙瞳貽我天台綠玉筇自笑已同遼左雀

杖今先化葛陂龍

方丈所貽杖半道忽遺卻臨別師復以所持杖贈我

赤城待撥

雲千頃華頂同穿嶺萬重珍重一枝臨別贈與師何地
復相逢

出方廣寺雨

匝月少靈雨春蕪勢欲殲久拚泥蠟屐卻喜潤茅檐平

野綠初展小桃紅尙緘石門飛瀑外層疊挂珠簾

寒風嶺遇暴風

寒風嶺上風淩亂欲掣籃輿入天半輿夫失足客下輿
卻望桐柏途仍紆半程倏爾分寒燠氣候亦如冬月肅
山程數折雨復晴已有日腳穿簾旌

瓊臺歌贈道士鄧和信

天風一吹三十里對面驚看赤城起黃雲盡向東海來
約客中路游瓊臺瓊臺半日方能及四面紫屏風矗立
馬鞍石上望此臺一晌儼同人戴笠瓊臺宮闕連玉京
帝會於此觴百靈半天嘈嘈發絃管直待中秋月華滿
我聞頓覺神氣揚恨不游戲于其旁神丹縱不乞徐福

桃實亦可偷東方昨來春半猶飛雪欲上瓊臺望雙闕
雨腳初收日脚斜東南一半山明滅如何瓊臺中乃復
支草庵道士自說來雲南一爐升三霄一燭照九幽道
士或是非常流雖然道流見我輒消阻我見道流時欲
侮他時騎虎出世間切莫對我誇真仙

初六日抵桐柏宮止宿夜起看雪

桐柏山有宮半卽在山麓李唐全盛日列及五千屋元
談當日熾象教亦懾服如何一千年興廢疊轉轂華嚴
寺宇盛道侶轉瑟縮丹房半傾圮紺宇悉班駁黃冠日
思竄土偶夜聞哭閉門三道士日僅給饘粥我來停蠟
屐借此樓上宿勉爲營一飯扉破几無燭殘夜白雪飛

光明照空谷

雪霽自桐柏宮至赤城道中作

後峰霽色到前峰十里晴光漾短筇正是耳空心地索
鐘聲穿出萬枝松

衣裳獵獵朔風催如夢溪山足底開領取斷崖殘雪意
分明身在占輪臺

上赤城山憇上下二寺

赤城何止山光赤萬樹桃花助顏色桃花深處初日紅
復有海上晴霞烘赤城山色時深淺五色紛披究難辨
我從石梁來赤城足健已覺能飛行有時聞向井泉坐
照水骨節皆空靈勞生蹤跡何嘗歇三十年來成一管

當時可望不可卽到此方能步瑤闕一篇欲寄正凌門

謂韓城相公

使節枉自來山村人生能著幾兩屐此嶺惜無

晨齒痕陰陽回皇日倒影正面看山仍引領翔禽舞雀
不敢升一塔居然冠山頂石厓西頭洞久扃關之可以
上玉京我從玉京謫下已七載縱有天路難重經上巖
下巖益何遠引路桃花百千轉桃花多處屐亦停時汲
水亭泉一椀天風吹人人愈高桃花笑客客復豪平生
每到快心處笠屐竟欲從空拋高低歷盡羊腸坂童僕
催人欲邁返國清聞已打午鍾欲共隨堂客僧飯

問路

路逢天台人不識天台路終歲畏里胥常從縣中住

清晨發天台日莫抵天姥天姥山連華頂峯濛濛百里
時飛雨峯從關嶺千回曲祇覺山光異常綠一雨空山
響易成東西百道爭飛瀑社公生日離新昌新月從未
鋪輕黃昨宵已過上苾節星點徹夜都無光稽山勝友
如雲集待我東來却征楫歌罷楊枝復柳枝船船蕩槳
都桃葉仙人飛夢無古今我昔亦夢苾山岑長庚去後
一千載復有逐客來長唼雲中忽露斜陽影一半人趨
此山頂乘興還攜訪戴舟回頭卻憶騰空嶺

初十日月夜從剡溪放舟未曉已抵蒿壩

趁此溪頭月放此溪頭艇溪月出未明斜陽尙留景臥
聞柔橈響不見布帆影甯知半宵夢已過百重嶺到岸

鐘已鳴幽人睡難醒

十一日晚抵山陰二鼓復借王衍梅陳景初諸人乘月
泛鑑湖復登快閣主人出酒痛飲至夜半乃返

快閣
即宋

陸放翁

故宅

四明狂客今已無泛月誰復來茲湖湖頭風月一千載
只惜前人渺難待元嘉以後開元中四明狂客康樂公
詩人末代餘放翁一閣尙復畱清風清風吹山山欲動
明月壓波波愈重行觴緩了客不歡坐上才人哭聲衆
哭聲直入空潭裏無數魚龍鏡中起稽山三面飛紫煙
覩得菜花黃十里此時元方復季方中坐迭起傾千觴
王郎聲慘氣不揚令我懷古心茫茫生天成佛都應早

騷客最憐難自保一疏空求回踵湖剡川只賜知章老
我從前歲得賜環足繭仍復趨陽關能閉盡荷

主恩賜蠟屐游徧江南山天台十日遊方足更放輕

舟此湖曲篋底慙無買笑金狂來只聽才人哭新交雖

多憶故交東望我轉思餘姚青門種瓜客久死飛鳥又

已無王喬謂邵學士晉君不見放翁詩名蓋今古亦化

會稽山下土人生不樂當奈何努力且進金叵羅纍纍

古冢何其多我攜絲竹環冢過商聲羽聲響入波地下

倘欲聞高歌

吼山

屏山何其危瘦石肩巨石天風盪其趾飛鳥過亦噉當

時神斧落斜劈一千尺
雖經剝膚慘石理本孤直
重重紅日照未改色深黑
潭形肖山光鑑影亦如墨
艱危升其巔徑草復四塞
山靈尙扶杖何況此孤客
出谷望轉驚厓傾正當額

石簣

石腹裂一潭船走入腹鏤
船行凡數折頭上水光卸
冥冥入螺旋正晝忽成夜
何時穿奧窔于此嵌臺榭
風聲潭底出天影穴中射
頗聞穴神魚雲霧已能駕
時時致靈雨十里潤禾稼
棱棱一峯墮藤葛絡未下
暗牖花忽明山桃數枝亞

空明庵小憩

吼山山石奇如許圓者中規方者矩截得山坳清峭峯
晴天白日都飛雨春山百折桃花紅一庵正嵌波影中
木魚聲中大魚出波影日影何璣瓏危巖坐待同遊集
衣上層層翠沾濕非非想處一綫開新月正逗潭中來
十三日泛舟三江閘望海

半日晴帆走碧沙桃梨隨路雜桑麻石梁高壓三千丈
山腹深藏數百家一瓣心香畱古廟九霄風力送浮槎
回頭更覺春如海十里新黃漾菜花

浮山頂望海

到此真無際茫茫濁浪排連峯偶然陟隻影渺誰偕事
拙天難問爨深地不埋片帆隨目力送爾入津涯

題主衍梅笠舫圖並示商嘉言陳鴻磐兩秀才陳景初
運判

王郎家住稽山邊一笠一舫稱神仙笠攜遊山舫浮水
晝裏溪山原不改我愛陳士巖我愛商拜亭迎客雙眼
何其青二梅山人亦詩史座下願稱詩弟子日攜三客
作勝遊踏徧好山仍不止桃花紅紅李花白此夜應離
謝公宅明朝憶爾西子湖一笠入夢如浮圖

十四日渡江薄晚至西湖泛舟至湖心亭作

雲氣皆歸海雙峯色轉青正逢春半月來訪水心亭林
鳥認顏色山花悟性靈南屏晚鐘好都向夢中聽

是日卽移寓蘇公祠

德生庵外挂帆忙一榻孤眠學士堂正好四更殘夢醒
滿湖花氣上吟床

築堂我勸祀香山

戊午冬余乞假回薄游湖上曾勸謝

公因循未果

近始建成今日祠成卻叩關公學浮屠我嘲佛就桑

三宿儻蒙訕

十五日偕華大令瑞濱何文學元錫臧秀才禮堂泛舟
至金沙港抵募乃返

桃花紅入波心中一湖波光皆染紅柳絲綠蘸孤山麓
一院風光都皺綠晴紅艷碧西冷橋衫影一色如花嬌
金沙港口畫橈集酒旆葉葉來相招湖堤添得千株柳
盡向六橋橋畔走歌聲疑燕復疑鶯香氣非花亦非酒

南屏鐘動歸舟忙行客背上皆斜陽一更已下城門鑰
更挈百盞橋上酌湖頭色相已盡空惟有圓月升中峯
十六夜月不甚明淺步至錦帶橋望巾子峯作

橋裏松濤橋外風一風收盡滿湖篷半宵橋上看森峭
保叔塔頭巾子峯

十七日平明枕上聽雨

六曲屏風倚絳桃雨聲疏處夢初拋無聊閒把雨聲數
二十七點桃花梢

題孫侍御志祖深柳勘書堂遺照

深柳堂深昔繫舟

侍御有別業在西湖昔曾以訪友至此

重來人憶舊風

流遺編合附儒林傳絕學猶傳文選樓一瓣香升通德

里百篇書黜大航頭

侍御辨偽尚書及王肅偽家語及聖證論甚力又精于文選學皆見

所著讀

先生志節居然昇丹墨應同白簡留

河間寔事仍求是作偽心勞獨子雍漢學遂令無繼軌

家聲應亦愧追蹤

王期易義尚守前說

爰書罪甚何平叔立異心

逾邴曼容誰識廓清功最大一編吾欲拜儒宗

葛林園吟社圖為何文學元錫賦

葛林園中死友誰汪子久已埋蒿萊

十年前汪明經中客死于此

葛

林園中富生友首數何三及黃九

圖為黃同知易所繪贈

黃生畫

筆何生唵我觀一一皆賞心洞庭山人鈕匪石文苑居

然兼貨殖何生手寫十四經遺事近復按西冷

生有南宋逸事

西冷逸事二書

花南判府秋槎令

陳通判及華大令瑞濱

畢竟以詩為性

命君不見葛林園園號本以仙翁傳仙翁雖仙出西晉
若較洪厓仍後進

蘇文忠公新祠圖

八年兩度此中遊學士祠堂久滯留公有才名照天地
我同螻蟻記春秋前遊以冬今以秋故云四賢各擅千秋業一客
今眠百尺樓如此風光難盡畫卷圖先向夢中遊

北山寄居圖爲華大令賦

巾子峯前路多年作寓公元卿三徑別彌勒一龕同使
宅魚環樹乘軒雀就籠他時商配食應在水仙宮

十九日將歸仍詣五柳居食魚

一風兼一雨收盡樹頭紅楊柳誰家宅湖波四面通曉

愁明鏡裏春夢麴塵中處處難爲別回舟揖白公

舟過半山十數里中桃李甚開喜而有作

一半波光漾日華紅雲都罩路三义謫仙尙剩雙青眼
消受人間萬樹花

湖頭纔別兩高峯又見層岩障碧空一片山光水中臥
看他千百度花紅

三日東風已盡開韶光如此稱銜杯桃花不敢賺行客
我自石梁南畔來

長安鎮訪汪別駕淮

別駕字小海

層層桃李夾桑麻碧澗中看走白沙我擊唾壺歌小海
桃花紅盡卽君家

廿年久住梧桐鎮慣聽梧桐疏雨聲奇絕小樓開一面
半宵能看海潮生

石門道中

滄茗未嫌龍井淡煮魚新愛馬臯鮮扁舟能向死湖過
又有人分梅里賤

廿一日雨過鷺脰湖

濛濛只向行帆零過盡吳江長短亭載得雨聲歸故里
三田麥浪接天青

暫把蜻蜓艇子橫七層高塔隱江城冥冥萬點歸鴉處
仍有桃花一樹明

三月二日墨雲軒雨坐

一室此孤坐驚風爲掩扉萬年藤杖瘦千葉海棠肥仰
屋苦無策垂竿幸有磯天憐吟客倦入草雨聲微

輓王韓城師

規公我本爲公賢

丙辰丁巳余從公值內廷屢規公當隨事盡言公雖不能從然頗嘉其

直我受公知己卅年曾有樓臺起無地手栽桃李出參

天勳存麟閣梁邱賀家傍龍門司馬遷宰相狀元如合

傳文襄文定愧居先

公與于文襄敏中梁文定國治皆以狀元宰相值機廷他日列傳亦

當同

上巳日偶成

欄前纔歇雨霏微挑菜湔裙計總非一水碧搖人影瘦
萬花紅襯日光肥閒從野叟求魚膾冷向山僧假衲衣

世事卻同梁燕語
謫官門巷客來稀

寒食前一日獨遊城東作

東風綠徧城頭草
城裏花紅出城表
紅纔十日綠半年
草花轉比林花妍
美人湔裙不須水
花露濕裙裙色改
一月門前不放船
誰知屋外春如海
熾舟亭北迎春堂
三里路接蔬花黃
君不見春人已老
雛鶯小眉月昏昏
星點皎

清明日早晴

清明寒食景尤賒
小巷東西插柳斜
卻向曙華臺上望
一城新綠膩人家

萬葉千條拂岸隈
銷魂曾記手親栽
空心老樹輸人壽

已閱周天甲子來

東風落盡小桃枝
墻角惟看漾雨絲
寒暖近來殊不定
山茶紅到牡丹時

卽事

生年已六七十卽眼前遊卽夜繼日亦祇二十年疾
病旣時有哀樂復間焉縱或心緒佳風雨時連綿所以
值賞心不復惜酒錢何須返蓬廬醉卽墟畔眠

南土稱什物北土稱五行百產無不備人以贍厥生造
物恩亦溥四時擷菁英至人處其間脍細食必精流傳
及後來衣食皆有經于世無所裨得不懼滿盈自非建
樹宏定負生與成

人生一百年憂患及垂老縱饒孫與子聚首復難保閒
呼來膝下不復別愚巧詩書偶然課粥飯幸粗飽回思
釣游侶如我已覺少猶欣筋力健況值風日好呼兒開
衡門防有客來早

插架三萬卷足供老眼觀關心惟酒錢常恐歲入完所
願畢此生杯罍不使乾肉食恐未能園蔬冀堆盤老友
約二三茅檐久盤桓游談戒無根立論貴不刊庶幾千
百年治術此肇端我言亦非狂前有荀與韓

三月廿三日借施上舍晉戴文學綺宋秀才佳士登甯
國府署北樓并久憇半月臺

殘春已到下弦月約客同尋半月臺屈指雨從寒食釀

自寒食至此舉頭雲向敬亭回難隨太白騎鯨去準待
雨連綿不絕

琴高跨鯉來東望蓬萊一惆悵劇憐我亦謫仙才

寄胡刺史紀謨安西
受降城外偶裴回三面山城盡草萊電影自搜豺虎窟
花光紅上鬪體臺疲民尙責多年稅病馬仍銜去日枚
絕憶安西舊都護艱難仗爾濟時才

周大令鶴立出其六世祖明忠毅公玉印見示敬賦二

律

印鑄季侯二字公字也

此身已碎壁仍完磊落驚從劫後觀八體書形雜科蚪
百年姓字比麟鸞藏鋒尙起波三折吐燄曾經嶺百盤
印久失去令弟忽從嶺南購得攜歸忠毅視銘忠介禍尙畱三絕與人看

余曾見趙忠毅公東方未明之硯
及周忠介公所書石碣與此而三

印來血色尙零星想見孤忠諍大廷
叔世宦多無黑白
季侯名獨煥丹青死慙郭鞏顏何甲
生喜忠賢目少丁
真氣至今填四角紐文猶作怒獅形

周大令鶴立以近作見示復贈一首

近來平望數詩壇仙史銷聲郭鬢斑

近聞史文學善長已逝郭謂上舍郭

磨豈意水西亭子住正逢淮左使君還
此才合宦蓬萊

頂何計畱春芍藥欄

君送春詩最佳

心許詞名壓鄉里吳江楓

落句應刪

初八日李同年德淦招同周大令鶴立章徵君天育遊

水西煙雨亭復攜酒飲風光潭卽席賦呈并邀諸君

同作

夢中煙雨醒復晴挈夢來憇山中亭連山四面排雲氣
卻值此停煙雨際闌前一水搖青天平視紫翠來無邊
新安縱說好山水無此九曲屏風妍飛花飛絮何凌亂
白鷺靜將行客看茅庵鐘磬宋不聞人語寥寥落天半
此山此水黯欲愁太白一去空千秋琪花瑤草亦銷歇
誰復快意頻來遊李侯約客真佳絕顧曲周郎渺無匹
照影先驚東逝波關心欲餞西馳日四山中間嵌一庵
攜酒更上風光潭風光亦復不能待暢好花月辭江南
今宵陰晴昨宵雨來日居然氣和煦四座先知客興闌
林邊屋角都飛炬斜陽忽落波影中石磴百級盤虛空

君不見水西送客到水東正好新月彎如弓

雨止夜坐讀周大令送春詩卻寄

宋寥空館劇相思百尺回廊半畝池
掠客草香花謝後
燭天星影月斜時
閒中慰藉無逾酒
病後商量欲廢詩
誰似使君能寓感
十章先寄餞春詞

城北晚步

所居鄰北城日晚聊縱步徑有百草香
屢無十家住女
墻頽數尺隔水聞喚渡
人家奩鏡外時見片帆度
正苦
歸路迷窗疏一燈吐

偶經廢圃

跨水一橋橫渡上樓百尺高歌誰說池塘草滿不如天

上星多

古宅惟餘廢井朱門久絕高軒千歲髑髏多事教他萬

鬼千言

琴士行爲趙司訓紹祖作

琴嶺百折琴水清我前琴谿遊早識琴士名一卷金石

志歐趙無其精爾來勘方輿敢與彪固爭

君以將修縣志先作涇事

一卷考君不見琴高仙人住玉京李白本係長庚星一

核極精既跨赤鯉一復騎長鯨遂令山川千載黯無色山魅水

怪拍手大笑此地無英靈山川之神聞之氣鬱不得平

彙此瀆嶽之秀陶鑄成君形卽如青蓮集內注倫萬巨

縱有情可惜開元天寶宋莫無名聲一代獨步竟讓青

蓮生豈如趙生胷積一萬卷偶爾下筆揮灑尤難停我
披所著書欲使神鬼驚我險所作詩欲使蛟龍聽光燄
上燭已接青天青昨爲琴谿歌今作琴士行水色澄澈
山勢添崢嶸更欲開瓊筵飛玉觥飲滿百盞神仍醒然
後左手挈鄜注右手攜桑經大呼山靈爲我闕此山水
扃我欲藉爾溯源上考南江分江兩水以迄清冷涇許慎
言冷出水出陵陽山班固地理志則以爲清水其實一也
韋昭云涇水出燕湖誤當从元和郡縣志作涇水出徽
嶺山爲是辯已見文集中

哭紀尙書昉

乍入綸扉疾已綿客冬纔啟八旬筵最憐干寶按神記

所著說部書

亦附劉歆輯畧篇

乾隆中四庫館開其目錄提要皆公一手所成

絕域紀遊思往日公會以事戍甘陵植黨感餘年公與
烏魯木齊師朱相國同里晚年余座
意氣不合頗復分黨鯁生事事辜公望
余受公知最一事同公是戍邊深期望尤切

十七日雨中諸同人攜酒至水心亭痛飲酒半月出喜
而有作

水心亭遠植水中欲往祇覺雲濛濛望前望後復阻雨
清興兩度都成空忽驚四面窗櫺舉看月不成先看雨
酒人隔夜招邀定水面居然飛百炬初更以後薄露開
酒人喚月天上來當頭照我舉百杯檻外十里收風雷
前宵飛沙昨飛瓦難得今宵雨聲寡心兵鬥盡章徵士
天育淋搨陣揮殘左司馬涇東涇西煙水鄉李白一去

誰能狂我會從公謫夜郎歸後痛飲誠無妨君千觴我
一斗君不見汪倫萬巨骨已朽我欲從公酌杯酒

送友人出塞

握別真無奈西南萬里馳腰身良馬識心事寶刀知地
角秋生早天山月落遲刪丹城外過爲我采焉支

數日病酒左司馬瀛以花露見餉賦謝一篇

清晨客敲門餉我花上露酒人因病酒幾日啖蔬素滴
露向酒杯泠泠散成乳搗之到花下花葉恍回顧甯知
香一滴本向樹頭吐拜覓已及君仍應拜嘉樹

查秀才敦倫屢以詩見投作此答之

日日危亭共酒杯憶君家住水雲隈南唐舊事吾能識

可夢黃山白嶽來

千年君可繼汪倫愛客尤憐情性真今日好山杯底臥
欲招殘月與同吞

飲酒四章

飲酒不讀經飲酒惟讀史君不見生王何得及死士生
王之頭亦本不如死田橫之客五百殉一頭樂布對彭
越奏事不得休足知一生一死心不變何況富貧同貴
賤翟廷尉名知人拜官可惜還書門

左手挈一編右手執一壺嗟嗟彼姝乃逢秋胡嗟嗟樂
羊妻乃有竊肉姑蒯家里婦本盜肉束火轉欲追亡逋
如何蘇秦妻反不逢金夫屈原甫來歸申申鬻女須不

若軼深井里聶政姊所見不愧烈丈夫我欲大哭我時
欲大呼旁有老叟偏胡盧

一斗旣欲盡百盞亦已空酈寄不賣友賣友惟樓公陳
相不背師背師乃逢蒙如何兩千年論苦無折衷朱游
和藥不愧烈士風陳容一死已足追滅洪君不見阮籍
登廣武定當哭途窮生逢典午時久已無英雄

人言飲量寬今飲頗不豪君不見海魚長百丈不作東
海濤大鵬翼垂天不掩北斗杓鯨鯢之智反不若烏鵲
鸞鳳之翮我視同鷓鴣醉欲眠歌且謠醉中百事不能
識杯尙在手書先拋

送春

東坡詩集卷三十一
涇南風物最宜人積雨初晴漾麴塵
三面水亭簾不捲
百花香裏度殘春

蹤跡

蹤跡頻年客五湖喜傳消息過三吳
荏苒苒窟穴居然淨
荆楚閭閻漸欲蘇一輩究誰研實政
九卿多半習浮屠
衰慵已厭杯中物罵座何曾學灌夫

舟中午臥

鳥同帆競出林影風與篙爭著
岸聲惹得半時殘夢醒
舵樓高下響縱橫

桃花夫人石

枉將妾貌比花妍石上桃花色可憐
何似望夫山上紫

不回頭已一千年

卽事

雨與禽爭路禽同雨競先禽集猶未入雨早壓巢偏
同心曲爲楊太守焯賦

閣上雙棲燕池中比翼禽時時分顧影兩兩結同心同
心人睇同心侶共向春波作私語死央秋老梁燕回卻
剩瘦影同裴徊君不見同心人勝同心鳥夜夜羅幃怕
天曉

看花絕句

荷擎似錢小荷露作珠圓不及長庚影光芒徹夜圓
榴火枝枝艷霜林葉葉紅無情偏有色難殿百花叢

夜泊灣汊

我共鱗兼翼從風百里馳
川程魚不識天路鳥能知
舟楫勢逾猛飛潛力不支
夜來南共宿應傍水仙祠

過黃池遇友人下水舟

一船張兩帆我船偏逆浪
但願三朝不落帆送君直過
黃天蕩

烏溪夜泊

星長庚燈長明照客旅
夢三更醒長明燈燼長庚
黑螢火復來光片刻空明
心地亦有光靜室隱隱同
朝陽

移泊黃家潭

時水沒村塢甚多

十丈湖波立驚鱗
瞰鵲巢電梭穿地出
漁鼓遍天敲影

暗藏林薄燈明露市梢連村衣食計都向水中拋

五月朔日清曉舟行

空外雨如席泠泠向北傾乍看雲氣暝不礙日華明野
樹風烟飽閑鷗身世輕晏公祠畔路應已動鳴鉦

聞周太守有聲擢守黎平卻寄一首

南北盤江此上游十年前記久淹留

黎平歲科非試

獸肥民瘠

分三縣地少天多劃一州遷徙絕無明土著威儀真軼
漢諸侯詩筒忙處郵筒簡想日披牋坐郡樓

涇川志館口占

莫笑衰翁鬢雪盈著書纔了又嗟成平心不與時高下
舉足仍爲世重輕調水符煩開士送游山屐有野人迎

涇南涇北題應徧卻惹樵蘇識姓名

同及門詠荷錢

東西南北罩閑汀顆顆圓如天上星甚欲數錢煩姪女
只防錢數有奇零

預恐秋來要採蓮田田不到四旁邊一擎出水居然大
此是西京當十錢

一箇荷錢幾露珠露珠欲算要乘除多應蟻鼻錢無數
不及三銖與五銖

憶女紡孫

昨聞油壁返江濤望眼勞勞直到今不是阿那偏愛汝
歸甯無母最傷心

連日苦雨望水心亭作

危亭三日浸波中
南北街渠急溜通
今日市蔬鱗道阻
外池烹到水屏風

曾孫用勳校刊